



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt IIII.

urn:nbn:de:hbz:466:1-11453

CAPVT IIII.

Vilhelmus dux Luneburgensis, Henrici filius, cum ecclesia Bremensi luctamen habuit non paruum: Ingressus fines diœcesis, ferro & flammis omnia deformauit, prædam abduxit. Viciſſim ministeriales ecclesiæ, ducatum conterminum ingreſſi, talionem reddere curabant. Sed tum ille secundam faciens profecti-
onem in diœcesim, ad eam vastitatem redegit, captis ali-
quot ex militaribus, vt facile compelleret ad equas se-
cum conditiones venire. Quæ res plurimum fuit impe-
dimento ducibus Slesuici, bello in regem Daniæ, quod
gerebant, administrando. Nam Henricus ipse & Wilhelmo
tum in Bremenses tulit suppetias. Sed vt Danorum regi
auxilijs propinquorum suorū occurreret, submisit ami-
cos, qui rem interceptam æquis conditionibus in Ver-
densi ciuitate penitus transigentes complanârunt, vt
arma in Danorum regem cumulatius verterentur. Fri-
dericus quoq; Brandenburgensis, nunc beneficio Sigis-
mundi marchio, descendens in suam ditionem, reperit
eam tumultuantē ex prædonum incursionibus, qui in ar-
ce Garlse habuere, vt ferebant, receptacula: Indoluit
princeps bonus, in suis finibus eam vigere improbitatem,
armatis in eam copijs, duxit ad obsidendam eam arcem,
obtinuitq;. Nō æquis adspexere oculis principes Magno-
polenses suæ ditionis terminos ingredi alienum princi-
pem: sed erant hæ causæ, quas improbare nemo re-
tē potuit. Persequutus est enim publicos hostes, ubi-
cunque reperit. Oppidum Ketter Angermunde,
quod nomen traxit ex multitudine olim ibi demo-
rantium hereticorum: Erat autem ditionis ducum
Stetiniensium: marchio idem quibuscunque ex causis
inuasit, cepit, & in suam redegit ditionem, multis in eo
captis

captis militaribus, qui defendendi eius gratia inerat.
Hac primordia eius stirpis principum de Nurember-
ga marchionum, multis praeclaris facinoribus ingres-
sum fecere, ut finis fieret solitarum per eam prouinciam
incurSIONUM.

CAPVT V.

ERicus inferioris dux Saxoniae, iam multis rebus
factus odiosus vicinis suis, & praecipue vicinis vr-
bibus, quod arcem Bergerdorpe pignori Lubicensibus à
patre obligatam, non numerata pecunia, receperit: quod
oppidum Molne expugnauerit: super omnia, quod sa-
uorem impendere diceretur grassatoribus publicarum
viarum: cum de arce Bergerdorpe sub aquis ponte, qui
non videretur, facto, retrorsum descenderent, antro-
sum vidente nemine, & per tondensa nemora abirent in
vias publicas, ut insidiarentur: captos in vijs mercato-
res, opertis eorum oculis, circumduxere, quasi multam
viam abirent, cum gyrantes manerent in vicino. Rece-
ptacula habuere in saltibus occulta, ubi usque ad exactio-
nem plenam captos emungerent, & noctu perducentes
in deuia, abire sinebant iam emunctos, si tamen euade-
rent positas insidias. Eius generis machinas multas pro-
compertis habuere vicinarum urbium ciues. Ex condi-
cto Lubicensēs & Hamburgenses, aliquot conductis sti-
pendio militibus, & in supplementum ciuibus ac merca-
toribus per armatis, octingentorum equitum, trium mil-
lium peditum agmen eduxere: contenderuntque in oppi-
dum ad arcem Bergerdorpe: nec potuit obistere diu
tantis viribus. Ingressi, praedam permiscere militibus: inde
ad arcem oppugnandam duxere, bombardis & machinis
sine requie seuiantibus per quatrimum. Continuere se
qui intus fuere arcis custodes, & vallis muniti, diu con-
tem-